



**UNIT KOMUNIKASI KORPORAT JABATAN  
PERIKANAN MALAYSIA  
BERITA PERIKANAN HARI INI**

**03 Disember 2024  
01 Jumadilakhir 1446H**

<b>SENARAI AKHBAR</b>	<b>TAJUK</b>
<b>Utusan Malaysia</b>	• Kekalkan Pontian hab pengeluaran kerang
<b>Berita Harian</b>	•
<b>Harian Metro</b>	•
<b>Kosmo !</b>	• Usah ganggu industri kerang Pontian
<b>Sinar Harian</b>	•
<b>The Star</b>	•
<b>New Straits Time</b>	•
<b>Nanyang Siang Pau</b>	•
<b>Malaysia Gazette</b>	•
<b>Harakah</b>	•
<b>Malaysiakini</b>	•
<b>Bernamea</b>	•
<b>Borneo Post (KK)</b>	•
<b>Guan Ming Daily</b>	•
<b>Sabah Media</b>	•

UTUSAN MALAYSIA	KOSMO!	THE STAR	NANYANG SIANG PAU	MUKA SURAT	TARIKH
BERITA HARIAN	SINAR HARIAN	THE SUN	ORIENTAL DAILY		
HARIAN METRO	NEW STRAITS TIMES	THE MALAY MAIL	PELBAGAI		
KATEGORI LIPUTAN	POSITIF	NEGATIF	NEUTRAL	34	3.12.24

# Kekalkan Pontian hab pengeluaran kerang

Oleh MUHAMMAD ZIKRI  
utysannews@mediamulia.com.my

**PONTIAN:** Jabatan Perikanan negeri diminta membantu menjadikan daerah ini kekal sebagai hab pengeluaran kerang supaya tidak diganggu oleh pihak tidak bertanggungjawab yang didakwa melakukan pencerobohan.

Pengerusi MyKomuniti Perikanan (MyKP) Pangkalan Jeti Nelayan Ayer Baloi, Dawik Mohamad Ali berkata, adalah merugikan sekiranya usaha itu tidak dapat direalisasikan selepas lima tahun dilancarkan.

Katanya, terdapat lima pangkalan nelayan di daerah ini yang terlibat dalam pengeluaran kerang iaitu Pangkalan Nelayan Ayer Baloi, Pulau Sebatang, Tampok, Sanglang dan

Permas dengan setiap pangkalan diberikan plot atau tapak pembiakan kerang yang melibatkan kawasan seluas 270 hektar bagi setiap pangkalan berkenaan.

“Setiap lot mempunyai buku hijau atau geran pemilikan supaya tidak berlaku kes pencerobohan dan sebagainya. Pihak yang ingin mempunyai lot sendiri, boleh memohon menerusi Pejabat Perikanan supaya tiada lagi kejadian yang tidak sepatutnya berlaku,” katanya kepada *Utusan Malaysia*.

Dawik memberitahu, pencerobohan kawasan pembiakan kerang boleh menyebabkan industri ternakan kerang di daerah ini mengalami keputusan kerana ketiadaan benih.

“Kita nelayan sama-sama cari makan, mereka yang tidak

diberikan tempat pembiakan kerang, tidak harus ada iri hati dan tidak puas hati, perkara tersebut boleh dirujuk kepada pihak berkuasa.

“Kerang dari laut Pontian sebenarnya yang terbaik dan pernah mencecah harga sehingga RM30 sekilogram dan nelayan juga memperolehi pendapatan antara RM800 hingga RM1,000 sehari,” jelasnya.

Nelayan, Khairul Enjah, 50, berpendapat, semua pihak perlu memelihara pengeluaran kerang supaya orang ramai dapat mendapatkan bekalan termasuk peniaga makanan.

“Jika tiada benih kerang, bagaimana untuk memperoleh kerang bagi keperluan penduduk tempatan, situasi ini yang perlu difahami oleh semua pihak,” katanya.



**KHAIRUL Enjah menunjukkan Pangkalan Nelayan Ayer Baloi yang merupakan antara lokasi pengeluaran kerang utama di daerah**

UTUSAN MALAYSIA	KOSMO!	/	THE STAR	NANYANG SIANG PAU	MUKA SURAT	TARIKH	
BERITA HARIAN	SINAR HARIAN		THE SUN	ORIENTAL DAILY			
HARIAN METRO	NEW STRAITS TIMES		THE MALAY MAIL	PELBAGAI			
KATEGORI LIPUTAN: POSITIF			NEGATIF		NEUTRAL	/	
						18	3-12-2024



SEORANG nelayan, Khairul Enjah menunjukkan Pangkalan Jeti Nelayan Ayer Baloi yang menjadi lokasi pengeluaran kerang utama daerah Pontian.

## Usah ganggu industri kerang Pontian

KOSMO, MS16

**PONTIAN** – Pihak berkuasa diminta memastikan usaha menjadikan daerah Pontian sebagai hab pengeluaran kerang negara dilakukan secara berterusan tanpa diganggu gugat oleh mana-mana pihak.

Pengerusi My Komuniti Perikanan (My KP) Pengkalan Jeti Nelayan Ayer Baloi, Dawik Mohamad Ali berkata, terdapat lima pangkalan nelayan di daerah ini yang terlibat dengan pengeluaran kerang seperti Pengkalan Nelayan Ayer Baloi, Pulau Sebatang,

Tampok, Sanglang dan Permas.

“Setiap pangkalan telah diberikan plot atau tapak pembiahan kerang yang melibatkan kawasan seluas 270 hektar untuk kegunaan nelayan di setiap pangkalan berkenaan.

“Setiap lot tersebut telah mempunyai buku hijau atau geran pemilikan yang sepatutnya difahami semua pihak supaya tidak berlaku kes pencerobohan dan sebagainya,” katanya.

Menurut Munir, pengeluaran kerang di Johor mencecah lebih

1,000 tan pada 2017, dengan tiga daerah pengeluar utama iaitu Pontian, Batu Pahat dan Muar.

Namun kataya, kejadian pencerobohan kawasan pembiahan kerang menyebabkan industri ternakan kerang di Pontian mengalami kepupusan kerana ketiadaan benih kerang.

“Kerang dari laut Pontian yang terbaik dan pernah mencecah harga RM30 sekilogram dan nelayan juga memperoleh pendapatan antara RM800 hingga RM1,000 sehari,” jelasnya.